



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

19. Villela Meaci Christum anuu[...]t.

urn:nbn:de:hbz:466:1-11445

gulos quantum se suaque nauigia salua vellent, tantum se ab eo transuendo abstinerent, narratis ad hoc quibus conflictati essent infortuniis quorum vnam & certam deblaterabant illorum causam extitisse. Verum Scirpo illac transeunte, paucis onusto vectoribus, apud eius nauarchum, plus metu pecunia potuit, in eum sublatus Sacajum peruenit, non modo celerius nauigiis ceteris quae portu citius soluerant, sed fortunatius; nam mioparonum piraticorum insidiis deprehensa partim capta sunt, partim verò disiecta cursu aberrarunt. Has leuiorum fortè successum referre minutias, non putauit fore superuacaneum, vt qui præter conuersiones regnum, & regnum in hominibus Apostolicis nihil mirantur (qui saepe minimus eorum labor est) discant quā caro illas emant, & an possint ea ministeria committi præterquam heroibus, se vitamque adeo pro Dei honore, & salute proximi exosis, quod potest sola vis præstare inuictissimæ caritatis. Est enim, vt idem notauit Villela narrans quae sibi Meaci contigerant, est profecto res longè diuersa, mors longinqua, & præsens; cogitata & in oculis posita; quae tamen suæ præsentiae horrore infringat animum, nec Dei fiduciā minuat, nec declinando scopulos, carcerem, gladios, furorem populorum & mille quotidie pericula, quietionis vitæ cupiditate persuadeat. Sunt hæc raræ virtutis, & arduæ, sed cuius nulla pars debet iis deesse, quos Euangelici præconij generosa maiestas in longinqua & barbara legatos mittit.

Sacajum Villela tetigerat duodeuigesimo Octobris, inde breuem post moram paucorum dierum Sacomotum ut venit, nihil antiquius habuit quām ut Bonzium requireret, cuius gratia iter suscepereat. Sed didicit ex alio Bonzio nomine Daizembo, item sene, ipsius olim discipulo, vita funerum in professione fidei Christianæ, & donec eum vox, halitusque deficeret, contestantem se mori Christianum, & certa fide mysteriis omnibus credere, quae à Turriano per literas fuerat edoctus. Petuit Villela ex eodem in cœnobium aliquod induci, & fieri sibi cum eius Bonziis loquendi copiam; excusauit ille, se tanti non esse qui hoc posset; semel audiuit cum suis decem discipulis explicantem diuina mysteria, iisque applaudit; & afferenti Villelae Deum esse vnum omnium conditorem; animique immortalitatem; & hoc, infit secreto in aurem, Bonzij nostri palam docent, re ipsa nullo modo credunt. Illorum hoc inter alia est arcam, Deum, Paradisum, inferos, umbras esse meras, & fabulas ad continentum reverentia populum adiuuentas, & domandam ferocitatem vulgi, ego verò, aiebat, de iis haudquaquam dubito. Sed hæc ille in aurem; nam iis infelix ad baptismum minimè inductus est, cauſatus à Bonziis se necandum, si quid eiusmodi de se competissent, ac ne apud illos suspectum se faceret, Villelae congressum deinceps subterfugit, quare hic in montem Fienoiamam se contulit, tentauitque à quodam publici iuris ministro impetrare ut sibi liceret cum doctissimis Bonziorum de religione verae natura sermones conferere; verum is facturum negauit, quod ex quæſtiones non essent Bonziis placituræ; recepit tamen se perducturum

19
Villela
Meaci Chri-
stum auer-
sus.

Tt 2



ad videndas omnes academiæ illius exedras; quæ gratia cum esset venalis honorario aliquo sumptuoso, quo locus ille donari soleret; eam Villela libenter ei condonauit, & ne diutius tempus illuc & operam tereret, Meacum contendit, vbi ante omnia Cubosamæ se sistit Tenzæ domino, & Iaponum Monarchæ; præterque spem & morem accessus ad illum tam faciles, tam humanos affatus reperit, vt libatam pretiosi liquoris pateram illi porrigeret hauriendam, dignatione vt valde insolita sic admodum illustri, & promissi fauoris erectum fiducia ab se dimitteret, quare absque mora crucem manu tenens prodite in publicum, ybicumque maior ciuium turba occureret, in eam se dare, & insinuare Christi nomen, & legem. Magni principio, & diuersi eorum motus, qui magno numero statim auditorium conflatunt, partim audiendi curiositate, partim libidine impugnandi. Etsi autem illa Euangelij semina, solum nocta saxosum & sterile, præter conuitia, & iocos serenti nihil retulerint, verum aliquo suo fructu minimè caruere. Meacum enim ex templo passim perusit fama, Bonzium aduenam ab occasu aduectum, nouæ legis præconem & magistrum, tam reconditis incoctum doctrinis, vt unus contra omnes starret Iaponensium sectarum Coripheos, qui ausi cum illo manus conserere, quam audaces in campum se miserant, tam muti, & explosi ex eo recesserant. Reipsa os publice vix aperuerat, cum circumsistere hominem Bonziorum turba, & dicta refellere certatim contenderat; sed responſiones acceperant adeò præter expectationem appositas & firmas, vt sigillatim elingues discederent, quibus tantum aberat vt verum quod inficiari non valebant faterentur, quin efferabantur potius probrofo dedecore, quod apud populum subibant, cum sint simul omnium scientiis atque ingenii, sustinere non possent certamen extranei homuli; hoc est apud Iapones barbari, & vilis, vt qui se florem generis humani, & mortalium primos armis & literis arbitrentur, nisi si quando iis lubeat de Sinis quam de se meliusculè sentire. Omissa ergo disputatione, assueta tela Bonzij accunt, mendaciorum & calumniarum; reddit cantio vetus de carnibus humanis; nominantur testes qui viderint ex Patris hospitio proferri ossa infantium; denuntiatur cito mors locatori, nisi quantocyus inquilinum illum eiiciat; accurrit locator pauidus, migrandum indicit, lentius conuasantem, quod non ita facile ædes conductitias inueniret, furens stricta machæra illum adoritur, vixque ab eo interfiendo se inhibet, quæ narrans Villela facetur ingenuè imminentे capiti nudo ense, cohorruiſſe ad periculum tam præcepſ & subitum; sed ait paulò post, Deum pro sua sapientia volenrem nos esse nostri nihil consciens, & suæ qua sola nitimur virtutis beneficæ, tantos sibi deinceps fecisse animos, vt nulla sibi obiiceretur mors, quam non amplecteretur absque ullo metu. Pulsus domo pessimi hominis aliam conduxit, si tamen alia quæ præter parietes vndiq; apertos nihil haberet, mirè idonea ut ait, ad Christi cunabula meditantibus exprimenda, quod stabulū magis repræsentaret quam ædes habitandas, idque media hyeme; Meaci, ob montes quibus cingitur, frigidissima, & fruſtra Bonzij exturbare illum hinc

hinc quoque nisi sunt; tres menses illam incoluit, iis nequicquam frenetibus, quod sensim radices aliquas hac occasione mitteret Christi religio, adeuntium prima frequentia omnis generis homines acciuit, ex aequo contumeliosos, & aduersarios, iuuenes, inquit, pueros, senes, profanos, Bonzios, etiam feminas, qui velut dæmone correpti, quicquid concipere infame & propudiosum poterant, infanis clamoribus in eum euomebant, & vociferando fessi, lapidatione tragœdiam claudebant, sed neque propterea statio[n]e se mouit; nec intermisit conciones ob valetudinis grauitatē, quam è somno, vda in palea, sanguine bruma humi capto, & esu herbarum absq[ue]; alio cibo contraxerat. Enimuero Deus molesta primordia, læto post hæc progressu pensauit. Pauci quidem exinde initio clam & noctu ad eum adire; post multi, & palam, & simul; pellicente demum diuina gratia quos designauerat ad cognitionem summi veri, quindeni & viceni sacro fonte lustrari; neque modo ex vrbe, sed ex minoribus viculis, quibus montes perspersi, rusticana gens festinare ad cognoscendum de hac noua lege, quæ suis sequacibus beatam sponderet immortalitatem. Nobilium deinde non pauci tametsi lentiū ad baptismum, & morosiū festinarent, verū de religione Christiana, & sentiebant magnificè, & erant animo Christiani. Eminebat in his Mioxindonus, fama notissimus, inter proceres aulæ Princeps, de quo dicetur alias pluribus, impetravit hic Patri ab Imperatore fixam Meaci commemorationem, diplomate regio stabilitam, pœnisque sanctam in eos grauissimis qui ausi essent ei re quapiam nocere, Bonziis rescripto paulum cohercitis, ea fidelium accessione aucti sunt Christiani, vt oblatis illorum muneribus coemerentur ædes amplissimæ, quarum pars optima in templum Deo dicata est, inter lustrationes memoratu dignas quæ ibidem peractæ, illustris fuit, & exemplo potens, viri principis Amanguecciani qui se patria incensa illuc receperat. Ichimacam vocabant, familiares secum decem ad baptismum adduxit, viamque ad Christum reseruauit nobilitati Iaponicæ, quæ pro innatæ superbiæ fastu, erubescerat legem profiteri, cu[m] præter plebeios adscribatur nemo. Plus habet mirabilitatis Bonziorum quindecim ad Christum accessus, qui multis lachrimis pristinæ suæ cæcitatis pœnitudinem testati, fabularum suarum lacerauere libros; aliqui vxores duxere legitimas, non nulli vitam cœlibem & castam adamant. Duo etsi valde absimili, sed singulari prorsus modo vocantem Deum fecuti sunt, alter nomine Chenchius, magnus inter Bonzios contemplator, annos quadraginta solitudinis incola, meditationū auctor, quæ mole grandium consarcinatæ voluminum pro canonis legebantur, vt quæ superstitionis Meacensis auctoritatem Theologicā præferrent vniuersam: accessit ad P. Villelā magno fastu se portans, & interrogauit, an esset illi notus? notus, aiebat, qui fuerim priusquam nascerer, qui nunc dū viuo sim; qui statim post mortem futurus? nec peto vt hæc me doceas, mihi enim sunt exploratissima, sed volo animi gratia, fabularum quas dicunt circuferre te ab ultimo occasu, vnam aut alterā audire, age itaque, & his simul confedit, significauit homini Villela, petitione hac

T t 3 nihil

nihil sibi venire gratius , & quantumuis diffideret in mentem bestiæ opinione sui distentæ , ac tumidæ , possè aliquid diuinum subire , orfus est tamen dicere , sed longe de aliis quam quæ expectauerat Bonzius , de supplitiis ignium , quæ adoratores alterius quam veri , & vius Dei , æternum manerent , & legem aliam docerent præter Christianam ; de supremi iudicij pauendo examine ; & similibus Euangelici oraculi effatis , quæ possunt ad sanandum stulti capitis cerebrum pro helleboro esse , & hæc ea rationum efficientia pietatisque dixit , vt qui ad arcana Christianorum irridenda venerat meditatus , sua è contrario risu digna animaduerteret ; colorem iam , & vultum & sermonem mutaret , admirans , & quærens , de variis prout incidenter doceri , quod pro indicio spiritus diuini , animam illam sibi afferentis , acceptum Villela , vrgere actius perrexit , & palam facere quam esset sublimis de diuinitate , Christianorum sensus ; etiam naturæ rationisque iudicio ; contra Bonzij de Deo quam indigna , & ab sensu quoque communi aliena sentirent & dicerent . Post hoc aliis inhærens eiusdem veritatis , & efficaciæ explanandis , non prius absolvit , quam fateretur Bonzius se esse Christianum . Volumina omnia suarum contemplationum , lucubrationem solitariam annorum quadraginta combusit , baptismò tinctus est , & quocumque pertigit rei fama , maior quouis ostento habita est , euocauitque alios Fienoijama , & aliunde , sectarum magistros præcipui nominis , vt cum Patre Villela de religionibus conferrent , vnum præ ceteris inter suos sanctum , quod carne , pisce , & leguminibus abstinenſ , solis vitam foueret herbis , & xerophagia fructuum ; voulset præterea Fochecios (quæ Zachæ sacra scriptura est) secundes millies si tamdiu viueret , docturum gratuitò , nec alio quam salutis suæ studio , & mercede . Hic decennio ante quam intrasset Meacum Villela , visus erat in somnis videre sapientes viros , ab extremo appulsos Occidente ad manifestandam veri Dei legem , seque illam ex its audire . Postridie vero de Xauerij aduentu cognoverat , qui decem omnino ante Villelam annis in Iaponiam peruenit , quod undecimque fluxisset somnium , certè tandem suum in Bonzio exitum habuit ; præbuit Villela aures , & animum , Christumque complexus , ad sacra baptismi se parauit . Bonziorum porro , quos sibi vindicabat Euangeli lux ; et si non erat angustus numerus , pro malignitate , & obstinatione ; sed alij longè multitudine vincebant , & frænabat quidem istorum furorem Imperatorium rescriptum , ne quid ipsi mouerent ; non vt temperarent perpetuis in Christianam fidem maledictis , verum corrupta Magistratum quorundam donis & precibus gratia , conspirant ad Patrem ignominiosè , & publicè Meaco exturbanum , quod molitione clandestina ita premunt ut suboluerit nemini , nisi cum esset iam nimis serum ad Cubosanam prouocare . Subodoratus ante omnes fraudem Mioxindonus , (ille qui Villela ab Imp. obtinuerat Meaci perpetuam sedem) auctor illi fuit ut discribent , latebris vitaret , noctuque tacitus suam quandam in arcem secederet , donec ipse accessum ad Cubosanam nactus opportunum , expostularet

stularet apud illum refractionem Bonziorum proteruiam. Idem quoque suafere Christiani, & comitati sunt eum tem eorum aliqui ad quatuor leucas, delususque hac arte conatus aduersariorum in nihilum recidit. Quartiduum in arce Villela latuerat, cum secessum illum interpretari apud se cœpit, abiectionem potius animi, quam prouidentiam, & Bonzios veram discessus sui causam exaggeraturos de more centum columnis in probrum nominis Christiani, velut ipse damnatus immanum scelerum, fuga vitam seruasset, eam ob rem decreuit, quæcumque se tandem Deo volente fors, deprehensura timeretur, Meacum regredi, cessitque ex animi sententia decretum; hospes apud nobilem Christianum, eius & aliorum qui clam ad se adibant consilio & ope denique perfecit, ut ampliori diplomate confirmaretur sibi ab Imperatore Meaci perpetua mansio, & apponenterentur supplitorum graues poenæ quibus ab se prohibebatur omnis iniuria, vulgatas per urbem has literas publicis præconum vocibus, prosecuti sunt omnes communi lætitia, maximè nobiles, quibus oppressio insontis extranei, & doctrinæ insignis, Iaponum hontori notam inure videbatur: restitutis integro melius Christianorum rebus, iisque numero, & virtute auctis, Meaco imperij aula & confluxu omnium gentium fundebatur ubique illorum existimatio, auebantque omnes de illis cognoscere. Sed Izumi regni Sacaium Metropolis de illorum ritu & legi audire, non modo expetiit, verum etiam ex eius placitis viuere, si probasset auita meliorem. De quo ciuium nonnulli ad Turrianum scripsere literas, qui sociorum laborans penuria, & aduertens Sacaium leuis haud amplius sedecim Meaco abesse, iussit eo Villelam se transferre, quod anno 1561. mense Augusto præstitit.

Iacet vrbis Sacaium triginta quinque, & dimidio gradibus sub arcto, ad mare posita; immune præbens ab omni vestigali, & commune Orienti extremo emporium, magnitudine opum, & multitudine ciuium celeberrima, quodque in laponia omni singulare, quieta semper, & secura, regnisque cæteris tempestates armorum, & terrum nouarum vicissitudines semper cœntibus, ipsa pacis tranquillum quasi portu nativo claudens & possidens, foris illam naturæ ars addita, egregiè munit ab hostibus, mari quidem nisi portus faucibus inaccessa; terrâ præruptis vndique fossarum voraginibus cincta. Motus intestinos, & tumultus ciuiles ab ea defendit legum seueritas aduersus omnes nullo discriminé inexorable; quicunque vel ferrum strinxerint, vel rixa verborum aliquid turbarent, nec fugæ fiducia quenquam facit in scelus audacem; clathris enim, & portis munita vicorum capita statim occluduntur, vbi quid illic tumultuari cœptum, & quiuis in reum ius habet capitis, vindictæ publicæ minister, lege communi dictus, quare intra muros qui gerunt inimicietas seu publicæ illæ sint, quales victoris, & victi exercitus; seu primatæ, perinde inter se versantur ut si forent amici; extra muros ad iactum lapidis, impunè ruunt in mutuas cædes. Ingressus hanc urbem Villela, sumpta in manus Crucifixi effigie, mox in compita exire, & quotidiana prædica-

20.

Sacaium
Vrbs Evan-
geliolumbu-
tur à Villela.

T t 4 tione,